

平閩紀卷之一目錄

奏疏

驚聞 寵命等事疏

欽奉 上諭事疏

閩疆剿撫等事疏

恭謝 天恩疏

軍機亟宜等事疏

恭 報領到等事疏

敬錫懸忠等事疏



水師請設等事疏

剿寇務選等事疏

酌調官兵等事疏

恭報官兵等事疏

飛報出洋等事疏

飛報大勝疏

標員懸缺等事疏

平閩紀卷之一

懋紹漁川

三韓楊 捷元凱著 男懋緒今鴻纂

懋綸入學

奏疏

驚聞 寵命等事疏

奏為驚聞

寵命自揣老疾力難勝任謹具疏直陳以無誤嚴疆事臣
於康熙十七年五月十六日卯時接蒙兵部劄付為

欽奉

上諭事內開該議政王等會題前事等因康熙十七年五月初八日題初十日奉

旨郎廷相段應舉俱著解任吏兵二部嚴加議處具奏餘依議江南提督楊 謀勇兼優威望素著歷任嚴疆兵民感戴効力有年克稱厥職前以江南重地彈壓需人特簡賢能用資料理邇者江南地方寧謐著有成效今閩省海氛未靖正在用兵必得偉畧奇材方克掃蕩鯨鯢底定疆圉楊 著以原銜加少保兼太子太保調補福建全省水陸提督總兵官一切剿禦賊寇保固地方戰守機宜全資殫心籌畫展布壯猷以副朕簡擢倚任至意欽此合劄該提督欽遵施行等因到臣蒙此臣聞命自天措躬無地伏念臣謏劣庸材蒙

世祖章皇帝暨

皇上兩朝知遇殊恩歷任江西廣東福建山東等處彼時臣年正壯血氣方剛督兵所向或剿或撫頗著微勞
嗣蒙

皇上特簡調任江南以來適值滇黔八閩相繼告變臣屬

平陽府志 卷之一
既有震隣之恐復多徵調之煩而海逆聯踪不時飄突冀圖登犯臣既悉簡精銳赴援浙省旋募驍勇練保海疆一切釐剔整頓防禦機宜凡精力之所能爲不敢不竭歷料理幸賴

朝廷洪福保此財賦重地得以晏然無虞獲免隕越但臣年已六十有二向有淋閉之疾兼因遊海潮濕脾氣衰弱寒暑失調近復加以頭目暈眩每一舉發卽爲昏迷必倩醫調治數日方痊久擬自陳乞休顧以時方多事不敢卽安勉圖報稱迺荷

皇上不以臣爲不職晉臣官保之銜畀臣以福建全省水陸提督之任臣何人斯叨沐

異數如此之隆臣雖肝腦塗地未足仰報萬一若臣精力尚可驅馳則畢此褻葦之志爲

皇上綏靖南服分所宜然第今日正當軍興之際必得強壯之才以全副精神料理庶克有濟今臣年旣老邁病又時發竊恐濫膺

寵命將來有誤地方臣罪滋深用敢據實自陳仰叩天恩俯憐微臣年力與岡非宜亟賜罷職收回

成命另簡賢能英敏保固閩疆則臣雖伏處猷畝有生之年益戴

高厚之鴻慈矣伏乞

皇上睿鑒勅部議覆施行

康熙十七年五月十七日具奏奉

旨卿長才偉畧久鎮巖疆防禦賊寇安輯兵民勞績茂著今閩省軍務方殷正需籌畫以資料理調補福建全省提督已有成命著益殫壯猷以副朕倚任之意不必以疾求罷兵部知道

欽奉 上諭事疏

題爲欽奉

上諭事康熙十七年五月十八日卯時蒙兵部劄付內開該議政王等會題前事康熙十七年五月十二日侍郎溫代奉

上諭提督楊標下江寧綠旗兵丁有情願隨去者應准發去著議政王具勅大臣會議具奏欽此該臣等會議得今江寧提督楊蒙

皇上簡任總管福建水陸兵丁提督其標下官兵內有情

願隨往福建者相應遵

旨發去應行提督楊 伊標官兵內如有情願隨往福建者一面帶去一面奏

聞將所帶官兵數目造冊仍報兵部俟抵閩之日將此帶去官兵俱歸入該提標額數內可也等因康熙十七年五月十二日題本日奉

旨依議欽此合劄欽遵施行等因又蒙兵部劄付爲請

旨事內開江寧提督楊 奉

旨以原銜加少保兼太子太保調補福建全省水陸提督

總兵官查松江府至福建泉州府二千八百餘里今

正當滅賊之際相應將提督楊 速令前往提督楊

應以文到十日內起程限四十日內到任其江寧

提督事務就近令崇明提督劉兆麒暫行署理等因

康熙十七年五月十二日綠頭牌啓奏本日奉

旨依議欽此合劄欽遵施行計發劄付一張等因蒙此案照先蒙兵部劄付前事備劄到臣臣以

皇恩深重感極涕零自念年老多疾精力非舊恐致貽誤地方隨具有驚聞

寵命自揣老疾力難勝任謹具疏直陳以無誤巖疆事一

疏上竄

天聽冀邀

睿鑒罷職歸里理宜靜候

明旨乃復奉

上諭勅部議覆准臣隨帶官兵前往限日起程是

皇上不以臣爲庸劣尚責臣以盡力疆場奠安八閩臣雖

老邁何敢不勉圖報稱惟有頂戴

高深誓捐頂踵以仰報

隆恩於萬一除遵限束裝外臣伏思閩省歸正之後逆賊

已經敗遁何以蠢爾遊竟尚敢狂逞必係兵力未精

或將領未盡得人以致寇盜不能消弭且臣近聞閩

中各營精健之士或有被脅下海或經陸續逃亡存

者什無二三而行間召募之兵未免濫收之數無濟

實用至土著兵卒不特怯懦不堪更與逆孽暗通聲

氣臨陣不肯血戰用命臣前援剿福建時在雲霄銅

山地方與賊對壘深悉其弊今臣既矢竭駑鈍焉

皇上宣威戮力剿寇安民若不選帶久練精銳之衆以資

彈壓并得一二歷練親信之員以寄心膂則孤立無助何能善服異志保固疆圉仰紓我

皇上宵旰之憂臣正擬控辭不獲必當特疏陳請茲得蒙上諭令臣隨帶官兵仰見

皇上洞燭行間事機俾臣驅策防剿得以展布幸莫大焉查臣素日蓄養材官健丁以及在松各營陸續召募山東西北之壯士經臣日夕訓練成旅思信相孚堪資戰守今在閩之兵旣未必可用卽臣到彼沙汰澄別陸續選練恐閩中久罹兵燹四方精健之士至者絕少招募維艱若仍收補土著之兵則又未知心腹寧敢遽用念福建與江南總屬

朝廷封疆而閩省正在用兵所需能將精兵尤爲喫緊若僅以情願者遵

青帶往則兵力不敷臣雖志在滅賊奚能相機驅遣克奏膚功臣擬於標下陸營挑選精銳馬步戰守兵丁合臣原帶材健共足貳千名戰馬肆百匹及隨帶盔甲砲械并於臣標遴選才技兼優歷練堪任遊擊壹員張念祖又應回山東中營中軍守備李璉願隨臣赴

閩自効該備膽畧邁衆練達營伍堪以署理遊擊事務并選守備壹員李應龍又查臣先經報部准隨標効用候推守備陳應隆久歷戎行才能禦侮堪以署理守備事務其千把等官悉照營制抽調率兵隨臣入閩在臣旣得久練勁兵左右驅策賴以建威消萌在江南五方聚會之區選募精壯補額比閩中較爲容易臣從封疆起見日昧竄陳并一面挑選外伏望皇上俯鑒微臣感恩圖報實心辦賊之愚忠特賜

允臣所請照數隨帶並請亟行江南督撫照例支給行坐糧餉以資長途齎裹并造支安家月米以慰兵心俟臣抵閩之後簡閱彼中官兵力行整擻兵則沙汰老弱分入經制補額官則查缺

題補設或無可清汰頂補則循照援兵之例俟事平仍歸原營庶臣殫心防剿臂指有資所裨於巖疆非渺小矣事干選帶官兵係屬軍機臣謹密疏拜

聞伏乞

皇上睿鑒勅部速賜議覆行臣遵奉施行

康熙十七年五月十九日

閩疆剿撫等事疏

奏為閩疆剿撫需才能將亟當儲選臣謹具疏

奏明併隨帶能員以資征剿事臣蒙

皇上隆恩特簡調任福建全省水陸提督總兵官又蒙

俞旨准臣選帶官兵隨往俾得盡力封疆愈深感奮臣已

統領兵馬星言就道矣惟是剿除逆賊底定疆圉諸

凡剿撫事機必資群策群力多一能將可抵勝兵數

百之用今在閩見任將弁其才能賢否臣尚未及預

知容臣抵境之後詳加密訪倘重地要汛之將備或

有怯懦不堪或有兵民未協者亟宜題

請更換自應選帶才勇歷練親信可托之員以備任用是

臣今日効忠於

皇上首當以人才爲亟亟也臣在江南伍年熟悉見任松

江城守營遊擊劉起龍久歷疆場才勇過人又後營

中軍守備何濱黃浦營守備李英楊舍營守備張瑞

徵俱技勇軼群諳練戎務又原任提標中軍遊擊王

嘉會才猷敏練克嫻軍旅前隨福建總督臣郎廷佐

在浙領兵剿賊建有功績曾經康親王給有劄付繼

因江南提標奉部駁追康熙九年馬價奉調回松未

經補用又臣嫡姪楊懋紱原任河南南汝鎮標鄧新

營千總歷俸年滿送部候補准以守備推用本官歷

練戎行才能邁衆以上陸員俱堪委任于城值今用

人之際難拘常格臣謹先行

奏明俟有相應員缺容臣遵例坐名保

題補用必能宣力巖疆克著成效再查臣標千總司起

龍齊亮金山營千總田毓瑞才技優長均堪驅策又

臣親隨將材閻相崔陞雷鳳高承福張九龍蘇明彥

趙吉祥曾子孟王安國任定國張貴宋官楊得勝王際泰趙元吉劉才王治國毛應登魏才姚金全田虎楊保江光斗彭太李進御朱鳳鄂公祿陳亮李枝華馮魁王龍許廷奉楊奇得吳洞羅光乾等皆隨征日久武勇超羣報部冊內有名又方有功勳撰虛之望李懷劉光明楊淳甲楊淙甲文燿亦係久隨驅策弓馬優嫻以上共肆拾叁員名遇有守備千把員缺俱可量才任使以濟防剿之用臣從儲選才能力圖報稱起見用敢瀆陳伏望

皇上俯鑒庶臣臂指右人得以殫心剿撫可收底定之效於將來矣除劉起龍何濱李英張崇徵王嘉會司起龍齊亮田毓瑞容臣抵閩後題

請調補外今將嫡姪楊懋紱并將材閩相等隨帶赴閩從征報効臣謹具疏

奏明伏乞

皇上睿鑒施行

康熙十七年六月初九日

恭謝 天恩疏

奏爲恭謝

天恩事臣以謏劣庸材深沐

世祖章皇帝暨

皇上兩朝知遇殊恩閱歷疆場三十餘年幸免貽譏獲餽
然夙夜思維實愧捐糜莫報前自東省量移江南念
此財賦重區外控邊海內枕湖山禦寇保民時懷綆
短汲深之懼五年以來仰仗

朝廷威福地方獲邀磐石之安庶無罪戾乃

平定縣志 卷之二
三
皇上以臣供職著效復

特簡微臣提督全閩既晉官保崇銜更蒙

天語褒嘉迥逾常格又荷渙頒

上諭准令帶兵赴任俾克展布臣受

恩愈爲深重揣分實所難安顧念臣子致身之義不敢以

衰邁自諉有辜

皇上知遇之隆謹祇遵

寵命赴閩任事臣惟有殫竭心力調度官兵相機剿撫庶

定閩疆保安黎庶仰報

朝廷高厚於萬一耳臣謹具疏奏

謝伏乞

皇上睿鑒施行

康熙十七年六月初九日

軍機亟宜等事疏

奏爲軍機亟宜展布靖寇必先安民謹瀝愚忠密

奏仰祈

天語飭行以收蕩平實效事竊照臣本襁線庸材年逾耳
順荷蒙

皇上鑒臣三十餘年歷事

兩朝一片血誠畀以提督八閩重任臣膺此

異寵誓期捐糜頂踵力圖報稱以仰紓我

皇上南顧之憂因兵難遙度一切戰守機宜容臣親抵閩

疆相度熟籌次第料理舉行外但臣有鯁鯁過慮者
軍機重務得失在乎呼吸倘少有異同掣肘稽遲未
免坐失機會今閩省上有親王次有將軍督撫重臣
諸凡地方機宜臣敢不悉遵調度殫心區畫冀得當
而後行第八閩情形與江浙險易不同臣旣遠在行
間身任剿撫之責隨宜應變軍機間不容髮將來或
有一得之愚籌之已熟借箸指陳在親王及將軍督
撫諸臣洞燭事勢必邀鑒允臣又何憂於牽制然不
預鳴於

皇上之前設或呼應稍稽未克施展恐負

朝廷責成之至意用敢先事籲陳伏望

皇上鑒臣感激圖報之愚慮特賜

大語申飭凡有行間重務及地方機宜

允臣所請或密疏入

告迅祈勅部准行或啓請親王咨商將軍督撫事務准臣

相機興舉庶臣得竭忠盡瘁漸圖削平逆寇以仰報

天恩於萬一臣卽赴蹈湯火無辭矣抑臣更有

請者閩省自叛變以來百姓之流離困苦莫可勝言全藉

地方有司各官加意培養以復元氣卽投誠之衆尤
宜安插得所俾其安心樂業異志不萌則內寧而外
自靖民安而寇可平雖文武不相統轄微臣職司軍
旅原未敢於越俎然臣旣謬膺全省重寄剿寇本以
保民若有司撫循無術則民不安生勢必流爲匪類
是亂將滋蔓剿除難盡其何以剪平逆孽綏靖疆圉
并祈飭行督撫諸臣如地方各官有玩愒軍務撫輯
無能者直行特疏糾叅以示懲儆別簡賢良保此殘
黎則文武同心安民息寇可期實效於將來矣事屬
閩疆今日第一急務臣因受

恩深重志切肅清不得不言亦不敢不言臣謹密疏上
聞伏乞

皇上睿鑒勅部議覆施行

康熙十七年六月初九日

題

本月二十六日奉

旨議政王貝勒大臣會議具奏

恭報領到等事疏

奏爲恭

報領到新頒

勅印併徵臣入境開印受事日期事臣本庸材特蒙
皇恩簡畀茲任臣遵

旨選帶兵馬從松江啓行閏六月初十日未時准瓜洲安

塘筆帖式馬蘭泰差撥什庫陶繼代齎捧坐名

勅書壹道銀印壹顆併兵部劄付到臣臣恭設香案望

闕謝

恩祇受訖因未到閩境不敢開用遂於是日上船開行其馬匹從陸路趕往臣念部限嚴切晝夜催趲但船載盛甲砲火因元旱無雨灘高水淺不能遙往其馬匹從陸路行者又因酷暑險峻馬多疲癯至六月二十九日人馬齊抵衢州雖與閩地接壤柰仙霞高峻入省俱係崇山臣思到閩正欲用兵馬力實所攸賴不得已在衢休養數日隨於七月十二日到福建建寧府浦城縣業入閩境臣敬設香案宣讀

勅書望

闕叩頭謝

恩開印受事訖所有

王命旗牌尚未齎至其一切地方事務并整頓兵馬調度

防剿機宜容臣相度情形悉心籌畫次第入

告舉行外謹將開印受事日期理合奏

聞伏乞

皇上睿鑒施行

康熙十七年七月十二日

敬竭愚忠等事疏

題爲敬竭愚忠揆情審勢謹補牘再陳務得官兵之心
力以早靖巖疆事切臣昔年援剿福建時頗悉彼中
情事其人語言難辯易生疑詐且先經從逆與賊聲
氣相通臨陣之際實難倚任臣自奉
命之日遵卽挑選江寧提標官兵共足貳千名戰馬肆百
匹隨帶入關業於欽奉

上諭事疏內

題明幸邀

慈鑒俞允臣感激不勝自謂得此一旅可以倚爲心膂早
建救寧之功上紓我

皇上南顧之憂詎料束裝啓行之後中途迓歸紛紛不已
臣思彼皆久受

朝廷綦養之恩又經訓練臨行臣捐俸借貸犒賞不等共
計肆千餘兩臣力已竭各兵豈不深知

國法輒敢倡迓臣雖諄諭將弁隊目反復告誡嚴加懲創
將壹貳人立寘軍法前後迓兵除臣一面沿途召募

精健補伍外但人懷去志勢難預必臣焦心如焚食
不下咽推求其故隨明訪暗察實因各兵俱有父母

妻子亦有田庄世業見在松江今聞入閩之日卽歸
人閩中經制從此四鄉無日拋棄骨肉若欲搬取則

蕩廢其產心實難捨是以不避斧鑕接踵而迓臣晝
夜思維再三諮詢若照援剿之例事平仍歸松江原

伍則人人心安志順咸効死力自不迓往矣臣敢冒
昧具陳伏祈

聖慈允臣所請除臣原帶材官健丁叁百名容查補閩省
經制外其餘壹千柒百名比照前年臣標應援浙江

官兵貳千伍百名之例如在行間各給月餉以贍家
口支領行糧以爲衣鞋口食之資一經事平卽令旋
歸松江停給行糧此往事可覆按者也如此則兵之
內外俱安咸知回家有日不生去志然臣更有

請者今日逃回之兵當茲用人之際法難寬貸臣業移明
江南督撫提按名拿解仍造冊呈送兵部外懇請

勅江南督撫提諸臣行令該地文武挨查各兵如有逃回
藏匿在家或投主竄入營伍者務期嚴拿立押赴閩
不但營伍充實而軍律可整矣事關喫緊軍機謹具

疏密陳仰祈

宸鑒迅賜勅部議覆施行

康熙十七年七月十二日

水師請設等事疏

奏爲水師請設專員微臣揣分難兼謹密疏控辭計圖
萬全事竊照閩地寇虐方張山海交訖是今日水陸
俱在用兵有萬難兼顧之勢臣自幼從戎身經戰陣
俱馳驅於車馬之間從未乘風破浪以角勝於水師
今一旦畀臣以兼管水陸之任惴惴不克自安聞
命之日卽欲具辭水師因未開印不敢上疏及入境受事
又以途次匆遽不遑控辭今甫抵省不敢再延恐誤
國事是以籲

開臣更攷福建舊制原有專設水師提督後因海面無警
鄰逆竄伏臺灣故爾奉文裁去今則海寇見駐廈門
於滄泉等處水陸交犯狂逞之勢什倍於昔自應循
照舊制特設專員令其統轄沿海兵將調度水戰俾
臣得以盡力陸路一心剿禦剪其攻城掠野之狡謀
則從此陸兵水師各有職掌彼此呼應互相聲援將
見數十年之逋寇可立殲於茲矣今臣正在料理陸
地攻守之事弗暇兼顧水師若不早爲

奏明倘海上賊艘一時並集雖有沿邊將士無專師以
統之其志不一難以建功是水師所分設之議在今日
有斷不容稍緩者伏祈

皇上洞鑒邊海情形俯察愚臣誠悃

勅部速議

特簡熟諳水道才能夙著之員另設提督使水師早成勁
旅其於式遏寇虐有裨軍機非淺鮮也臣不勝惶悚
待

命之至密奏請

康熙十七年八月初一日

剿寇務選等事疏

題爲剿寇務選勁兵以佐指臂之用仰祈

鑒俞

勅部調發以臻實効事竊惟地方用兵必使人人各懷忠憤報効

朝廷庶爲將者得以驅遣從心不難立臻實效今閩地變亂以來加之海寇狂肆招納亡命接踵爲亂遍地烽烟即使東蕩西除彼消此長若不講求於受病之源亂苟能已臣見以本地之人充兵難以倚任必得北

方勃卒其人樸直膂力强悍若兵將同心不但用命
殺賊且可建威消萌此乃弭亂之第一義也况臣標
為應援通省彈壓八郡之旅原非他營可比則在標
之兵務選雄健精銳充實營伍一遇征剿便能衝鋒
破敵隨地制勝方便賊人聞風喪膽臣受

朝廷高天厚地之恩值今海寇橫行攻城屠邑漳泉一帶
無不破其荼毒臣切齒腐心誓不與之俱生奈前提
臣段應舉在海澄受圍親帶標兵二千五百八十餘
名多係外境精健併馬二百八十餘匹一時被陷其

餘又皆援漳守泉及分防泉屬縣汛今臣於本標無
一兵可調晝夜不寧寢食俱廢當此拯溺救焚之際
萬不得已暫於閩省上游鄰近江浙地方邵延建三
府內量募外省精健之人隨數充伍尚恐未經訓練
不能禦寇因思臣在山東時頗知河南山東各營熟
習文鳥鎗者甚多倘得各撥壹千名再於江南撥弓
箭砲手壹千名併馬匹亦照經制撥發此皆久在營
伍之兵一經調入閩省即可殺賊立功仰祈

皇上垂念八閩殘疆山海交訐蹂躪已極

勅部速議允令河南山東江南三省早爲調撥臣得此一
旅人皆外省精銳訓以紀律自能得手應心可收指
臂之用其所食錢糧不煩另措卽將臣標缺額兵丁
之糧餉免給調發之兵支領俟地方大定如調發兵
丁內有願留者聽其填入經制其餘悉發回原營將
臣標另行補額則各兵自不苦於徵調矣臣爲封疆
任重值此殘敝已甚若不前後籌度速加整頓則日
漸頹敝

祈

朝廷疆土何日清寧臣感切圖報實心任事不敢因循仰
睿鑒允臣密請
勅部議覆施行

康熙十七年八月初一日

酌調官兵等事疏

題為題

報酌調官兵進剿事竊臣自奉

命入闕卽晝夜兼馳前進亟圖剿賊而人馬冒暑遠來半
 多疲病臣焦心焚灼以日為年於七月二十二日甫
 抵省城奈馬匹尙未全到隨啓康親王請授方畧調
 兵前進因康親王及督臣於臣未到之先見漳泉寇
 衆侵犯日甚抽調各路兵馬救援微發殆盡至臣標
 官兵除陌失外餘皆分防泉屬出援漳州並無一官

一兵可調不得已於近省之羅源連江及福州城守
延平等各協營量抽二三百名不等并福寧鎮標兵
貳千名共足叁千餘名啓請康親王蒙允徵調當卽
咨行各鎮將照數抽撥除力催各營兵馬到齊并臣
之馬匹一到臣領原帶松江之兵卽與鎮臣黃大來
星夜前進一抵興化會同撫臣吳興祚相機調度剿
殺逆賊俟大兵至日再圖大舉務滅巨寇底定閩疆
事關調集官兵進剿合具密疏

題明伏候

肅鑒施行爲此具本遵例傳捧謹密題請

百

康熙十七年八月初一日

恭報官兵等事疏

題爲恭報官兵直抵泉州力解重圍仰慰

聖懷事竊臣自抵福建省城之日秣馬厲兵志圖滅賊隨
而請康親王指授方畧臣一俟江南標營兵馬到齊
遂於八月初九日臣率原帶官兵并抽調連江羅源
延平福州城守等營同福寧總兵黃大來等兵馬自
省城前抵興化正在商議進兵間奉康親王復遣叅
贊大臣禪布帶滿兵繼至臣同禪布并先在興化副
都統李爾他布浙江提督石調聲巡撫吳興祚總兵

黃大來等計定臣與禪布季爾他布石調聲黃大來等帶領滿漢官兵從洛陽橋大路直抵賊首劉國軒等老營巡撫吳興祚帶領官兵從仙遊縣前進俱於八月二十一日自興化啓行臣於沿途撥發塘馬探有逆賊在惠安一帶屯劉臣鼓勵官兵奮勇直進賊見我兵勢大其新招烏合之衆首先奔散餘賊悉歸老營臣卽於二十四日午時恢復惠安縣見城垣拆毀民人竄匿臣一面出示招撫復業次早督兵前往又探得劉國軒等聞我兵精銳強盛將圍城大夥賊衆先上海船於拆斷洛陽橋之處留賊數千大小賊船壹百餘隻把守以阻我兵衝突又撥賊叁千有餘把守陳山埧深濠濠溝以扼我兵繞泉要路臣公同密商二十五日午時先令總兵黃大來帶領鎮標遊擊張合高守備蔡遜等率兵前據洛陽橋口臣與提督石調聲率原帶江南提標左營遊擊張念祖守備李應龍右營守備陳應隆連江營守備鄭典浙江提標遊擊曾承等各帶官兵同滿洲大兵繼進開砲攻打隨破賊踞橋上第三層砲城寨柵殺死投水逆賊

不計得獲賊砲十位因橋梁拆斷難以徑渡臣一面採伐木植搭橋一面與賊對敵臣仍計設奇兵由陳山壩前進繞出橋南使賊首尾受敵本日戌時會商遣發臣帶江南提標守備署右營遊擊事李璉福州城守右營守備晉淑玉浙江提標叅將王英溫鎮標遊擊傅成等各帶本標營官兵五百名合成一旅前往陳山壩奪路剿殺二十六日臣搭橋甫完統兵前進用砲打沉賊船貳隻將在船賊人盡行溺死泉州城內副都統雅大里等帶領滿漢官兵本日巳時亦到橋南而臣所遣李璉等見陳山壩賊兵掘濠劄營相拒我兵奮力攻開隨放火燒燬營盤并所獲器械一面追趕敗賊殺死六百餘名此時亦皆齊到橋南兩路夾攻復用砲擊碎賊船賊皆淹死其餘各賊俱披靡敗逃城圍遂解緣一時隔海難追不能盡滅臣於本日申時入泉州府城訖前此賊勢披猖圍城兩月有餘今滿漢官兵同心盡力使鴟張巨寇盡皆瓦解皆仰仗

皇威不振親王勝筭故能成功迅速其行間將士爭先用

命臣不敢沒其功次應否議叙聽候部議臣仍多方
撫輯難民招集流亡督率兵士剿靖餘氛以安地方
此皆臣職分宜然不敢侈言勞績所有泉州解圍情
形理合

題報伏祈

皇上睿鑒施行爲此具本遵例傳捧謹題請

康熙十七年八月二十九日奉

旨覽卿奏會同滿漢官兵進剿海賊兩路夾攻擊敗賊衆
川砲打沉賊船斬殺甚多直抵泉州解圍恢復惠安縣
城得獲砲器等項具見殫心籌畫調度有方勞績茂著
將士奮勇深爲可嘉在事有功人員著從優議叙具奏
兵部知道

飛報出洋等事疏

題爲飛報出洋官兵大勝虜事竊照海逆叵測在陸者攻城踞邑復遣逆黨駕無所乘潮窺犯以此遙聯聲勢臣於本年七月二十二日抵省卽日調兵赴泉進剿撫臣有添船募兵之疏臣有兼管水陸之責隨將水陸機宜啓請康親王指示間撫臣吳興祚已於二十四日出師興化惟有驛傳道僉事王國泰撫標下外委同知陳堯道援剿水師總兵林賢黃鎬到臣署面商臣料賊船屯聚定海必俟我陸兵南下爲尾後之策

務須先破定海逆踪爲要道鎮各官咸以爲宜遂訂期出洋臣一面統兵由興化陸路往解泉圍一面密行閩安副將田萬侯整搦船兵一同出洋進剿去後今於九月初九日據田萬侯報爲飛報大勝事內稱竊照職標各營船兵奉調同援剿水師總兵林賢征剿海寇於本年八月二十二日自紅山開駕午時到館頭地方合辦二十五日職差右營把總莊國坐駕哨船前往口外探報二十六日酉時據莊國報稱探得各營戰船本日直抵定海進剿其賊踪先已瞭見

我官兵船隻俱駕駛往北各營戰船見泊定海等情至八月三十日據委理水師遊擊王祚昌報稱職於本月二十七日帶領所轄官兵船隻合辦進剿本日追至官塘洋面賊見我師前進率大小船貳百餘隻乘風迎敵甲職與隨征原浙江招撫同知王立昇督率外委隨征水師守備魏文耀閩安右營千總林五邨等各戰船官兵從中路首尾衝敵得獲大鳥砲船壹隻焚燬賊鳥船四隻犁沉趕繒船壹拾壹隻雙篷船船拾貳隻陣斬僞水師前鋒鎮總兵二員林德林

聖副將二員陳潘謝益併殺死賊衆及落水淹死者
不計活擒偽守備陳祥司總夏維青二員賊兵七十
四名得獲偽劄四張偽委牌八張銅關防六顆高照
大旗二十二面及救回連江縣幕浦被擄難民婦女
五十四名口俱經解報總鎮林賢彙解外所有本營
與賊對仗陣亡目兵林豪等四名被傷經制千總林
五卿一員劄委把總李春雷一員兵丁王文龍等十
九名相應開報其得獲軍火器械留船應用等情又
據署左營遊擊徐得瀛報稱八月二十七日合踪進
剿在官塘洋面與賊打仗卑職督率戰船併力攻擊
擊沉賊趕網船貳隻雙篷船肆隻焚燒賊烏船貳
隻得獲賊趕網船壹隻當陣砍殺及砲箭打射落水
者不計活擒偽總制水師貳鎮總兵官一員吳朝綱
賊兵三十六名偽銅錫關防二顆救回連江縣幕浦
難婦三口小子一名俱經解報總鎮林賢彙解外所
有陣亡兵丁高貴一名被傷兵蘇魁等二十名理合
報明其得獲器械等項留船備用等情又據中營中
軍守備陳蘭報稱卑職坐駕砲船率同千總高秉功

各戰船前進攻打賊船得獲賊趕繒船壹隻偽水師
伍鎮右營副將柯金隆銅關防一顆偽劄二張焚燒
賊船大小六隻打沉賊船大小四隻陣斬賊衆溺水
燒死者不計活擒賊衆三十五名奪回被擄難民二
名俱經解報總鎮林賢彙報外其各船得獲器械查
明另報所有本營殺賊陣亡兵丁陳維濬一名被傷
經制把總洪寶一員兵丁唐十等一十八名一并開
報等情據此該卑職看得海逆鴟張在在狂逞今卑
職遵奉軍令督發官兵航海一戰而久踞定海等處
海逆巢穴盡已搗平三營官兵斬殺賊衆不計其數
活擒偽官三員偽兵一百四十五名口皆仰仗

朝廷洪福本提督威靈所致今據總標將弁塘報前來除
陣亡兵丁經職捐給銀兩收殮陣傷官兵賞資醫藥
之資理合塘報等情又據援剿水師總兵官林賢彙
報內稱職於本年八月二十六日統率舟師出洋前
至定海二十七日瞻見賊船約有二百隻灣在赤灣
黃崎地方職料賊必出北茭頭佔我上風隨撥總兵
官黃錫帶領該標副將辛啓佑等帶領各船隻俱由

橋仔澳竿塘水洋而進以堵逆賊去後又撥閩安左營遊擊徐德濟帶領千總陳春等各船隻從賊踪中腰進發又撥本標中營副將許英等船隻從傍包裹前進職率本船領旗都司林正春等催督三股戰船同時進發逆賊整陣迎敵其勢甚銳自己至申兩邊砲矢對打我師奮勇夾攻戰船齊力殺進賊勢遂潰舉倒焚沉賊船大小四十餘隻得獲賊船二十餘隻緣賊船俱經打壞帆舵已失各營欲追趕前進難於牽帶隨將所獲之船放火燒燬見存烏船壹隻趕緝

船六隻計殺賊衆六千餘人燒死及落水死者不計其數活擒賊首僞總兵副將六員賊兵二百三十三名僞印十三顆僞部劄十二道僞委牌二十五張大旗四十面高照十二面救回連江縣幕浦被擄男婦一百四十三名口各府縣被拿難民二十九口尚有賊魁蕭琛等船艄冒死逃脫未及盡剿時天晚風大浪高勢當收回船兵以俟再舉是役也實賴本提督威靈涼餘氛聞風喪魄無難剿滅除將救回連江縣被擄男婦送交該縣轉發回籍得獲軍器各留營備

用所獲賊船僞官兵印劄旗幟及各府縣被擄難民
分別造冊解赴康親王發落外合就呈報等情又據
隨征總兵黃鎬聯絡招撫同知陳子威俱報同前情
各到臣正在繕疏題

報九月十五日又據援剿水師總兵林賢報稱九月初一
日早職復令本標右營遊擊江新帶領各營聯絡船
隻前往北茭大西洋等處協力搜捕奈新等烏船重
大頂風難以北上早職復會商聯絡總兵官何應元
撥令聯絡鄉勇隨駕輕快趕繒雙篷船直抵三沙風
火門沙埕港口地方窮追殲剿本月初八日准總兵
官何應元咨稱據守備陳大捷何春立周謝顯等報
稱初五日至風火門地方望見賊船一隻豎起降旗
係僞鎮下驍翼營將林興率僞卒楊自名等併攜連
江縣被擄難民余伍等三名幼男一口婦女二口僞
委牌一張大旗一面高照一面紅令旗一面鐵甲一
身斬馬刀九把排鎗五門鑼一面短刀一把投誠其
所坐船損壞難以牽帶遂卽焚燒今將林興等解奪
等情又據守備陳春暉把總吳玉林發等各報稱暉

等至沙埕等島遇危宿營副總兵陳起萬帶領僞宣
毅後鎮壁宿鎮賊船趕繒大小船隻二十餘號暉等
用命攻殺打破焚燒陳起萬坐船壹隻趕繒雙篷船
九隻賊官兵溺水莫計陣獲雙篷船四隻陳起萬等
大旗六面令箭五枝僞龍劄壹張僞委牌六張排鎗
十門大刀十把百子砲六門弓六張相應呈解被傷
鄉勇林鏞丁祥等六名又據聯絡守備陳應昌報稱
奉令遊往福寧三沙風火門擒獲僞宿鎮下僞叅將
王亮遊擊朱尙都門朱相僞龍劄三張小趕繒船壹
隻雙篷船二隻船仔船二隻又據聯絡同知陳子威
報稱本月初六日至沙埕地方見有賊船二十餘隻
鄉勇鼓銳齊進擒僞水師三鎮林日惠標下僞副將
林麟趕繒船壹隻僞委牌壹張賊眾盡被火攻全船
爭跳下水得獲大砲三門銅百子砲三門等情各到
職隨將得獲船隻器械僞劄逐一查驗明白其軍器
現在征剿急需交發聯絡留船應用被擄難民余伍
莊爾任丘朝英三名併婦女林氏阮氏幼男陳應三
口近就交送連江縣發回收領完聚船隻旗幟牌劄

令箭連招撫僞將林興一員僞兵十一名啓解康親王發落外合就呈報等情本日又據林賢報稱據聯絡同知陳子威報稱本月初二日親督鄉勇直抵三都長腰白馬門瀨嶼等處地方剿滅僞鎮吳朝綱併僞鎮林十賊窠老寨初三日回至西洋初四早復遇僞鎮蕭琛賊艘十餘隻趕至橫山洋奮勇攻殺得獲僞鎮蕭琛營下小趕繒船一隻殺賊數十餘人活擒長髮賊三名短髮難民一名驗明轉報等情到職除啓解康親王發落外合就呈報等情到臣據此該臣查看得閩安副將田萬候自經奏請總兵林賢等調集各路官兵船隻往剿定海賊船據報於八月二十七日在赤澳黃崎以及官塘等處三路奮擊賊船犁沉打碎併燒燬見獲大小船六十餘隻殺賊六千餘名燒死及落水者不計活擒僞鎮章元勳等六員僞兵二百三十三名又續報招撫僞將林興一員僞兵十一名活擒長髮賊三名難民一名併前後得獲僞劄印器械等項及奪回被擄男婦俱解康親王發落此皆仰賴

皇上德威遐暢康親王籌畫周詳俾官兵用命殺賊遂獲
大勝則海上餘魂聞風膽落不難立奏膚功矣所有
在事有功人員併整理船械砲火等項之僉事王國
泰同知蘇佳嗣恭

請優敘以鼓將來相應密疏題

報伏祈

睿鑒勅部議叙施行爲此具本遵例傳捧謹題請

旨

康熙十七年九月十七日奉

旨覽卿奏副將田萬侯等率領官兵於赤沙等處地方擊
敗賊船擒斬甚多得獲偽劄器械等項具見調度有方
將士奮勇可嘉在事有功人員從優議叙已有旨了餘
着議奏該部知道

飛報大勝疏

題爲飛報大勝事案據防守惠安縣提標前營遊擊敖應第與化鎮標右營遊擊陳永茂稟稱探有賊首王一鵬率衆嘯聚於驛坂舖地方欲阻絕要路職等發兵往剿又復奔匿見今往來無定等情前來臣與撫臣密商此賊不擒終爲後路之患一面差往探聽一面調遣連江營守備鄭興撫標隨征總兵張韜等各帶官兵前往撲剿去後康熙十七年九月十二日據連江營中軍守備鄭興報稱奉本提督軍令帶領官

兵同隨征總兵張韜前往惠安縣會商提標前營遊擊敖應第興化鎮標右營遊擊陳永茂躡緝逆賊王一鵬踪跡相機發兵撲剿等因九月初九日申時據提標前營把總王政稟稱探得賊首王一鵬帶賊兵在黃崎澳本月初六日在前蔡經過王一鵬本身已過橫嶼海中屯駐賊兵約有千餘人現在海邊上西地方屯駐到塗嶺有三十里等情卑職先經審差兵丁偵探續據回稱賊首王一鵬知我兵指日直抵巢穴遂分兵千餘人作叁股在於上西蕭厝沙格叁處屯劄專候抵敵等情卑職隨即會同張總兵敖陳二遊擊商議進剿留放陳二遊擊在縣守城卑職等隨於初九日酉時連夜從惠安大路直上塗嶺已值二更時候四更造飯遂望東而進初十日卯時離賊營約有七八里卑職率領千總高祥把總張虎等官兵四百員名從左股望沙格而進提標前營千總田琦隨征把總徐守智等官兵三百餘人從右股望上西而進隨征總兵吳韜帶領守備陳文千總吳拱蘇隆撫標左營把總王正國等官兵三百員名從中股望

蕭厝而進商議分派已定一齊進擊逆賊望見我兵進剿隨分一股來敵張總兵率兵先佔山頂迎敵奮勇衝擊殺死賊衆甚多賊見勢急合夥齊來抵敵張總兵遂放號砲畢職帶領本營官兵飛馳翻從中股殺進提標千總田琦等官兵翻從左股殺進張總兵翻從右股殺進三股併力攻擊逆賊奔竄下山我兵奮力追殺三面合圍砲箭齊發陣斬及投水溺死共七百餘人捉獲原被脅從鄉總胡丑賊黨陳連吳全潘益潘治許一陸名問據供稱王一鵬未知生死僞

中營林左營陳右營張後營胡程前營劉齊僞領旗營陳德俱皆溺水其救回被擄婦女及陣斬首級併得獲馬匹旗幟器械等項俟查明另文呈報此皆賴本提督指授方畧將士用命合將殺賊情形呈報等情併解陣獲鄉總胡丑賊黨陳連等呈解到臣除將押解活賊官兵量行獎賞一面會同撫臣吳興祚訊明活賊胡丑等依法梟斬懸示外該臣看得賊首王鵬自臣恢復惠安之後率領餘黨哨聚於沿海通省大道依山林爲窠窟逆料臣解泉圍之後必往剿

同安長泰之賊故於衝途梗阻以斷我糧道其計甚狡臣與撫臣計議已定密遣連江營守備鄭興撫標隨征總兵張翥等會合官兵細加偵探果聚於上西蕭厝沙格三處興等乘夜率兵前往逆賊尚敢抗拒官兵鏖戰竟日殺死七百有餘活擒六賊當經正法雖一鵬未知存亡而黨羽溺水據供已確此皆仰仗皇上威靈所及遂使逆賊殲滅其在事有功各官自難泯沒相應密

報聽候優敘以鼓勵將來伏祈

勅部議敘施行奉

旨覽卿奏遣發官兵於上西等處地方擊散賊衆斬殺甚多具見將士奮勇可嘉在事有功人員着議敘具奏該部知道

康熙十七年九月十七日

標員懸缺等事疏

題為標員懸缺甚多遴才補用以佐征剿事竊照閩省
海寇倡亂處處蠢起隨地用兵臣左右將備等官皆
時刻調遣之所必需况臣近經題

准調總河山東河南兵三千名以充臣標其送兵官員將
兵丁交明仍各回原任是在標接管兵丁之官尤亟
須遴選才能以備接受自宜早為題定庶便領兵殺
賊備查臣標各官如中營叅將康泰見署延平副將
離中軍之任已久臣按中軍為伍營首領職司兵馬

錢糧最爲要員務求稱職之才臣見康忝不勝中軍之任且今署延平副將自應遵照

新例另

題候議其中營叅將亟宜坐缺題補者也臣查有投誠總兵見奉王劄之馬勝力捍泉圍晝夜擐甲登陴不避矢石當南城打場重築堵禦保守泉城無恙皆彼首功見今兵民愛戴且才畧優長堪充斯任臣遵例保題擬補福建提標中軍叅將兼管中營事又提標右營遊擊郭成龍在海澄失陷員缺未補臣查有從

松江隨帶入閩見署江南提標遊擊事守備李璉隨臣解泉州之圍在陳山壩建立奇功已經題報候叙擬補福建提標右營遊擊員缺又有見在後營署事遊擊王昶原係浙江督標後營以署叅將管中軍守備事啓明康親王委署今缺蒞事已久衆兵悅服且奉令攻剿屢著勞績自應遵照

新例題補實授又有本部駁回之金殿龍劉國興二員前以員缺尚自有人故不便准補左後二營守備今則左營守備劉瑞石於陞任後病廢休致後營守備董

子英陞任已久而殿龍等署事有日約束兵卒頗稱厥職更保守泉城有功應將金殿龍仍補福建提標左營中軍守備劉國興仍補福建提標後營中軍守備再查右營守備王虎前營守備徐可成亦在海澄失陷員缺未補臣查有從松江隨帶入閩候推守備陳應龍以署守備管千總事張洪宗經臣朝夕訓練熟諳營務隨解泉圍盡力攻奪洛陽橋要隘見在候叙張洪宗擬補福建提標右營中軍守備員缺陳應隆擬補福建提標前營中軍守備員缺以上俱爲官擇人務與地方相宜方敢擬用故就已試之才照舊請補或於臣素所訓練或於兵民悅服者按缺題補此臣實從封疆人才起見且因軍情急進剿左右驅遣乏員無以佐臂指之用兼值山東河南兵到尤需才能接管所以亟爲題

請伏祈

皇上念邊海重地正在用兵難拘常格或內有歷俸尚淺資格稍殊統祈允臣所

請早

平岡紀 卷之二
渙綸音庶得朝聞

命而夕受事矣除各官履歷送部外臣謹會同督臣姚

撫臣吳 合詞具疏照例保

題恭候

皇上勅部議覆施行奉

旨兵部速議具奏

康熙十七年九月二十六日

平岡紀卷之二目錄

奏疏

題定江南等事疏

機有遲速等事疏

遞補營將疏

稍增旗幟等事疏

恭謝 天恩疏

敬請愚忠等事疏

閩省要地等事疏

恭謝天恩疏

飛報剿賊等事疏

剿寇務選等事疏

彙報固守等事疏

平閩紀卷之二

懋紹漁山

三韓楊 捷元凱著 男懋緒令鴻纂

懋綸今掌

題定江南等事疏

題為題定江南援剿營制事案照康熙十七年八月十

六日奉兵部密劄為敬竭愚忠等事內開臣等會議

得福建提督楊 疏稱所帶江寧提標兵丁沿途接

踵而逃若照援剿之例事平仍歸松江原伍則人人

心安志順咸効死力自不逃往等語應如所題除該提督原帶三百名外其餘一千七百名照調赴別省援剿兵丁之例支給行糧兵丁家口准支口糧俟閩省平定此兵一千七百名仍發回江南各歸原伍等因奉

旨依議速行欽遵在案所有臣帶江南標營官兵應行

題明查臣原帶兵丁內將一千七百名分爲左右二營各營八百五十名立爲江南提標援剿營比照督臣題明之例列於內標以資彈壓至於率兵隨臣入閩之

官前臣在松江時曾照經制員數備開職名造冊達部業經題奉

俞旨所帶官員俱著實陞壹級臣今請將原帶遊擊張念祖仍管江南提標援剿左營遊擊事尚缺江南提標援剿右營遊擊一員查有臣前疏

題帶入閩候推守備楊懋紱歷練戎行才能邁衆近日隨臣往解泉州之圍在洛陽橋攻奪要隘擊船殺賊有功見在候敘擬補江南提標援剿右營遊擊雖銜缺稍殊但今用人之際懋紱係臣親姪臣今年老得

使懋紱列在援剿在臣左右必能一心辦賊仰懇

皇上特賜

允用再請將以署都司僉書管守備事李應龍仍管江南
提標援剿左營中軍守備事其候推守備陳應隆已
擬補福建提標前營守備則江南提標援剿營又缺
守備一員臣查有原帶入閩以署守備管千總事李
魁經臣訓練已久頗諳營務兵丁信服才技優嫻且
隨解泉圍攻奪洛陽橋要隘有功見在候敘擬補江
南提標援剿右營中軍守備再查以署守備管千總
事楊可能等四員李魁擬補江南提標援剿右營守
備張洪宗擬補福建提標右營守備千總員缺容臣
遴補併以千總管把總事張奉等八員俱另文報部
換劄自此營制一定則在標官兵咸知有所遵守官
盡職而兵効命於以殫忠靖寇圖報

皇恩端有賴矣此臣身任剿賊量才器使皆求人缺相宜
方敢擬補除各官履歷送部外臣謹會同督臣姚

撫臣吳 合詞具疏照例保

題伏祈

勅部議覆施行奉

旨兵部速議具奏

康熙十七年九月二十六下

機有遲速等事疏

題爲機有遲速事有先後謹述微臣援臬赴漳情形仰
祈

府鑒事竊惟臣以一介庸愚荷蒙

皇上特降

溫綸調補福建提督臣安敢不竭此犬馬餘力上酬

厚自康熙十七年六月初十日自江南起行於七月十

二日到福建浦城縣因聞海寇狂逞臣急于提調進

剿隨卽就浦城開印視事時天氣炎蒸所帶江南兵

馬連日奔馳疲困沿途耽擱尙未到齊而海寇攻圍泉州甚急康親王疊行催促臣卽先率親隨星夜兼程於七月二十二日抵省擬俟原帶江南士馬齊到卽率領南下援泉但念臣此一戰係全閩安危據探報逆賊數萬攻圍泉郡臣所統兵馬除沿途脫逃染病之外不及二千俱係困乏何以當賊全鋒克保萬全乃啓明康親王行調福寧總兵黃大來官兵一千七百名福州城守右營守備晉淑王官兵三百名連江營守備鄭興官兵四百名羅源營千總李學官兵一百五十名延平城守左營守備宋希聖官兵二百名通共抽調各標協官兵二千七百五十名時所調福寧總兵黃大來官兵因路遠尙未到齊而連日聞報泉圍甚急臣不能久待隨於八月初九日自省起行是晚在烏龍江下營適總兵黃大來聞臣起行單騎馳至臣營相見約卽隨後率兵兼程繼至合兵南下八月十七日臣在興化與撫臣吳興祚浙江提督臣石調聲都統臣季爾他布等會議分兵作三路援泉正欲起行聞又奉康親王令諭特遣叅贊大臣副

都統禪布統領滿洲大兵前來夾剿凡有一切軍務該提悉與該副都統商酌而行仍聽該副都統調度不得掣肘有悞軍機等因臣祇遵調度於八月二十一日自興化起行二十四日恢復惠安縣二十五日攻奪洛陽橋北寨二十六日分遣奇兵兩路夾攻殺收海寇方解泉圍卽日進城撫安兵民此臣從前自省到泉之始末也到泉之後查泉州沿邊一帶北自惠安縣與興化府所屬之楓亭交界起南至同安縣與漳州交界止紆迴計程四百餘里皆通臨大海至於泉屬各縣如南安永春安溪德化四縣則皆處萬山疊嶂之間海賊自泉城敗遁之後下海者則仍聚艘游移於沿邊不及下海者則皆逃匿於南永安德各縣山林之內且惠安縣爲興化泉州兩府咽喉要道其城垣被賊推平無存至沿邊楓亭塗嶺洛陽橋俱係要緊口岸原設寨堡逆賊悉推爲平地臣一面調撥各營將領分兵扼守一面咨會督撫二臣行令府縣有司速將縣汛城垣尅期修築間續據探報有逆首王一鵬擁黨千餘出沒於惠安縣所屬之沙格

上西一帶希圖窺犯縣汛斷我糧道時撫臣吳興祚前自興化帶兵往永春德化恢復各縣城事竣來臬臣與之面商遣發撫標隨征總兵張韜連江營守備鄭興各帶官兵前往撲剿幸獲全勝業經題報在案復節次據各府縣營將紛紛報稱逆賊葉明紀朝佐黃圭蓋等各擁餘黨出沒於德化永春南安晉江所屬山間各鄉村併興化總兵臣劉德懋咨報海賊僞鎮蕭武等聚船二百五十餘隻灣泊湄州欲登犯興化府城占踞涵江斷江口橋勢甚危急連日請兵應

援俱經臣會商撫臣分遣官兵前往各處防守救應相機剿捕又於九月二十三日遣發副將馮昭京汀州城守左營遊擊董子英帶兵前往恢復同安縣此在城寧海將軍喇哈達副都統禪布巡撫吳興祚諸臣所目擊者時又值督臣小書調兵援漳臣當經咨會寧海將軍喇哈達副都統禪布訂期起行祇緣臬城俄困兩月城外人民逃散未盡歸業且兼山海紛紛告警人心不無風鶴所以將軍都統不敢允臣南征具啟康親王候奪併會議以東石一寨爲海逆運

糧馬頭必須先行攻打以斷賊糧庶泉州之邊警可
息然後出師往漳臣以先奉有聽副都統禪布調度
之王令自當祇遵臣隨於十月初四日親帶官兵往
攻東石復准督臣諄切催促進兵漳州臣正擬南下
適值寧海將軍喇哈達移咨到臣內敘王諭有泉州
係緊要之地該提督去與不去聽其自行酌量等因
臣隨於初五日將原帶大砲蘆囤發回泉州於初六
日率領江南帶來原兵併福建提標官兵七百餘名
長驅赴漳雖復准寧海將軍喇哈達移咨畱臣仍回
駐守泉州臣不暇兼顧矣於初七日臣到同安縣烏
泥地方下營忽接督臣疏稿以爲屢調不至坐失事
機等因具

題蓋臣先領原帶江南併抽調閩省各標營官兵共計
不及五千名當海寇圍圍泉城聲勢洶洶之際臣急
於奔援者機有不可遲也及泉圍旣解督臣請兵南
下而臣未克速往者實因餘氛未靖亟須及時次第
佈置調度事有不可急也倘不圖善後勇往直前萬
一山海餘孽再犯泉城湄州逆艘之賊登犯興化斷

江口橋絕吾省城應援之路則泉漳兩郡勢皆不可
爲矣臣受

皇上厚恩垂老無可補報惟有思前慮後盡此區區以仰
答萬一耳至於督臣身在漳州不得不急於撲剿漳
賊在臣身在泉州又不得不急於撫安泉郡總爲

皇上之疆土起見初無遲滯今督臣以臣不先赴漳州具
疏入

告且疏內有明知言出禍隨等語臣殊未解臣今現往漳
州與督臣面商進剿機宜務期文武和衷掃蕩群寇

以紓

皇上南顧之憂斷不敢稍存圭角遂分彼此但因督臣有
疏在先臣又不得不備將先後遲速情形密疏

題明伏乞

皇上睿鑒施行奉

旨議政王員勒大臣速議具奏

康熙十七年十月初十日

選補營將疏

題爲選補營將以收得人實効事竊照閩省地處邊海
逆孽倚水跳梁近雖仰荷

皇上天威賊衆敗遁但尙擁衆於漳屬地方抗拒我師臣
同將軍督撫諸臣見在對壘而逆艘游竟復飄突于
興泉沿海一帶號號窺犯臣標伍營將領有馳剿應
援之責務必技勇超羣素稱練達之員方克勝任茲
臣任前營遊擊放應第雖勉循厥職但細察其材技
僅足任廢裏地方若於邊海巖疆今其衝鋒陷陣似

非所長相應回部改推所遺員缺臣查有原任靖藩右翼鎮中軍守備焦國巡籍係遼東於延平以偽鎮投誠康親王授以總兵劄付隨剿克復邵汀建功且久歷戎行智勇兼備以之補授前營遊擊足資剿禦至於泉州一府係邊海重地乃臣駐劄之處如臣統兵出剿則城守叅將一官有郡城專責所關綦重必得諳練營務材技優長之員斯稱乃職先經前任督臣郎廷相以撫標右營遊擊甯維國

題補部議不准今查有浙江温州鎮標右營遊擊傅成久歷疆場屢著戰功近隨浙江提督臣石調聲解救泉圍又在陳山勦殺賊有功見奉從優議敘之

此官材技兼長諳練營務堪任城守重寄以之陞補前缺庶邊海要地自可鞏固無虞又查泉州城守叅將下中軍守備一缺該營原任守備李全信經前任督臣郎廷相調補同安城守右營遊擊所遺員缺臣查有自江南隨臣入閩守備官援剿右營千總事魏進陞材技優長從戎日久且解救泉圍宣力用命奉旨見在候敘今以之拔補泉州城守營中軍守備允爲人

地相宜以上各官俱經臣細加遴選堪資臂指查傳
成雖係浙省之官近經督臣姚啓聖將浙省弁員具
題調補荷蒙

俞允臣爲邊疆要地擇人故敢循例陳

請除焦國巡履歷本官遠在省會臣經行調未到容取到
之日送部今將傅成魏進陞二弁出身履歷送部查
覈外臣謹會同督臣姚撫臣吳合具密疏保

題伏乞

皇上勅部議覆施行奉

旨兵部速議具奏

康熙十七年十一月二十四日

稍增旗幟等事疏

題爲謹陳稍增旗幟以明瞻視以利進止事竊惟營中
旗幟爲三軍眼目無分晝夜陰晴皆瞻視以爲進止
今

國朝定制凡漢兵營伍俱用綠旗所以別滿兵之八旗
制誠善也直省鎮營自宜凜爲遵守曷敢輕議增改
但所處之地勢不同有不得不爲變通者臣自奉

命入閩日在行間見閩中山林叢雜地勢暄和與別省不
同木葉入冬不凋翠綠濃陰與春夏無異漢兵綠旗

如雜入林木中一里之外卽難辨識臣思兵之起伏進止與合圍追擊惟賴旗色指揮以爲向往若辨認不真恐誤軍行所關匪細臣再四思維請將旗式稍爲增改查閩省各營額設每營兵丁一千名內分馬步戰兵五百名守兵五百名今除守兵照舊仍用綠旗外其馬步戰兵請將原用綠旗稍加紅紬鑲邊心用紅月俾其在林木之中可以一望明白易於識認則三軍之眼目一新藉以進止庶於軍機無誤併准各將領旗幟之中繪畫飛虎以壯軍容此因地制宜敬陳管窺臣未敢擅便謹具疏密

題伏乞

睿鑒勅部議覆施行奉

旨該部速議具奏

康熙十七年十一月二十四日

恭謝 天恩疏

公為恭謝

天恩事康熙十七年十二月十三日臣准兵部密咨為水師請設專員微臣揣分難兼謹密疏控辭計圖萬全事內開議政王等會覆福建總督姚 題前事等因康熙十七年十一月二十六日奉

旨楊 自簡任福建提督以來剿禦賊寇恢復地方勞績懋著着授為將軍仍以原銜管福建陸路提督事務王之 equal 才器素優鎮守京口克稱厥職着仍以將軍調補

福建水師提督俱寫勅與他欽此密封到部合咨欽遵
查照等因到臣准此臣恭設香案望

闕叩頭謝

恩祇受

新命訖竊念臣以謏劣菲材荷蒙

溫綸簡調福建水陸提督時因閩省海逆披猖臣兼程赴
任及抵閩疆一而整兵南下一而具疏控辭水師重
務請設專員仰荷

鴻慈鑒允臣感

恩無地志切自奮雖入閩以來微有奏效但島穴未平賊

鋒尚熾

皇上不加譴責更

錫殊典授以將軍崇秩撫躬增愧理宜控辭惟以現在與
賊對峙欲令行間將士咸知

朝廷之重責特汪勉承

新命用以激勵諸將庶幾爭先用命臣今年邁血氣漸衰
惟有量饒盡職益聞報稱倘邀

皇上威靈尚冀早殲逆孽肅清島嶼則臣犬馬報效之心

借場消埃矣隨於康熙十七年十二月十八日以將軍新衛統馭將士征剿外謹具密疏奏

謝伏乞

皇上睿鑒施行奉

旨覽卿奏謝知道了該部知道

康熙十七年十二月二十四日

敬竭愚忠等事疏

題爲敬竭愚忠揆情審勢謹補牘再陳務得官兵之心力以早靖肅清事康熙十七年十一月二十五日蒙
兵部劄付內開職方清吏司案呈奉本部送據福提
楊 呈稱所帶親隨三百名未經收入經制起支糧
餉則此三百名之行糧日糧似應准與一千七百名
一體用支俟泉州解圍之日將此三百名收入經制
具行糧日糧開除住支等因查該提督所稱帶去親
隨三百名照援剿之例一體關支之處關係錢糧不

便據呈議應劄該提督知照可也等因呈堂奉批照劄送司案呈到部擬合就行爲此合劄遵照施行等因又於康熙十八年正月初五日承准戶部劄付亦爲前事內開查該提督呈稱本提督帶往福建兵一千七百名照撥剿兵丁之例支給行糧家口准支口糧在案至所帶親隨三百名未經收入福建經制額數內則此三百名之行糧及家口口糧似應一體開支俟收入福建經制補伍將行糧口糧開除任支等因前來查該提督帶往福建兵一千七百名先經兵部會同本部議覆准其支給行糧口糧在案此所帶親隨兵丁三百名既未入伍且會議案內並未議及此所請支給行糧口糧之處無容議仍行該提督知照可也等因各到臣蒙此該臣查得閩省海盜猖獗臣奉命督辦提督准臣隨帶江南提標兵二千名入閩撥剿原與平時陞任隨帶親丁者不同故此兵丁二千均是一例准給行坐糧餉及家日月米見奉兵部劄付欽遵

俞吉在案臣前任江南啓行之日照二千名兵數同支康熙十七年六七八三個月行坐糧餉及家口月米以爲安家齎裹之用蓋因二千皆係江南提標兵丁同往剿賊難分彼此乃照部文一例支給但二千兵內有材官健丁三百名此臣素日培養之精銳皆在營伍食糧每遇陞調必帶以前往並非臣之家人有隨往收除之例可比也嗣因臣在途聞各兵每有脫逃者其心似謂援勦之名未經題明一入經制不得開省不得回鄉所以思逃臣復具疏請照別省援剿之例嗣兵部議覆內有令臣將此緣由曉諭各兵曰此心安不思逃逸然祇請以一千七百名照援剿支給行糧日糧其材官健丁三百名則於補入閩省經制之日不敢樂支行糧日糧亦奉

俞吉欽遵在案此臣藉以慰安遠戍之兵心亦本節慎錢糧之苦心耳今臣於去歲八月二十六日力解泉圍之後卽將材健三百名查補福建提標缺額隨於九月初一日收支糧餉自此不敢同一千七百名復支行糧日糧矣又念內部未悉造支任支日期備文呈

明戶兵二部茲蒙兵部劄內有事關錢糧不便據呈
議戶部劄內有所帶三百名既未入伍且會議案內
並未議及此所請支給行糧口糧之處無容議臣思
兵部所謂不便據呈議者必俟具

題而後議戶部謂會議之所未及此處無容議者亦必
俟

題請明白而後可議也至於文內此兵三百名既未入
伍正臣所謂未入福建經制之先與一千七百名同
在原

題二千名數內則支給之處俱應一例若今日三百名
已入福建經制自不得比照一千七百名矣此其顯
然易見者臣敢懇請

聖慈鑒此三百兵丁見隨征剿日與強賊對壘人人用命
爭先成效死力

勅部允將未補經制之先支給過六七八三個月之行坐
糧餉及家口月米一體准與銷筭則勞兵咸知感奮
矣抑臣附有所

請臣於剿寇務選勁兵等事疏內題

准調撥山東河南總河等標兵三千名又福建提標存城
及海澄迤邐之兵三千餘名約共六千有奇除按臣
經制應留四千八百五十名尚有千餘之兵自當撥
補新增營分而臣帶來之材健三百名合無仍歸撥
剿左右二營之內不惟每營一千協合營制適符臣
原

題二千之數而臣且多得三百之兵力當此攻剿滅賊
之際多獲一兵卽收一兵之用則所費甚微而裨益
實大不揣冒昧具陳仰邀

皇上浩蕩之

鴻恩非微臣所敢妄覲也謹密疏題

請伏候

睿覽勅部議覆施行奉

旨該部議奏

康熙十八年正月十九日

閩省要地等事疏

題為閩省要地將備需人謹遵才

題補以佐防備軍國最難事竊惟臣自入閩以來見山
海寇盜未靖日惟綜核將弁蒐羅材勇欲使人人
器稱職庶可早奏蕩平如建寧一府地居上游界連
江浙崇山疊嶂伏莽未清三省官兵會剿至今尚未
底定而城守左營遊擊韓六合為鎮臣黃大來揭報
貪婪多欸已經督臣會疏糾叅見在候

旨處分查該營分防崇安建陽二汛最為緊要員缺亟應

遊補臣查有江南黃浦營守備李英才技優長勇畧昭著若以陞補建寧左營遊擊銜缺相當允稱要汛得人再有建寧城守中營中軍守備郭成名經臣指叅奉

旨解任提問員缺查江南金山營千總田毓瑞才勇兼資若以陞補前缺殊爲人地相宜再查汀州中營中軍守備夏尚忠已經督臣題叅革職所遺員缺今查有江南江陰營千總詹鼎青年壯志才能邁衆以之陞補前缺克稱任使至臣後營遊擊一缺臣前將浙江督標後營中軍守備王昶題補因督臣先將該備保題漳浦鎮標中營遊擊已奉

俞旨部議令臣另選照例題補等因欽遵在案臣今見在行間與賊對壘亟須戰將以資調遣進剿查有本營中軍守備劉國興才勇兼備更保守泉城著有勞績允屬才能該備雖實授未幾而署理日久弁兵愛戴如出一口若以授補前缺可收衝鋒克敵之效其所遺後營守備員缺臣查松江城守營千總齊亮才技優嫻歷俸年久堪以陞補臣標後營中軍守備又福

清營遊擊朱翰已經撫臣題補撫標前營遊擊所遺
員缺亟宜遴補今臣查有署都司僉書管援勦左營
中軍守備事李應龍久歷戎行夙稱諳練且隨臣入
閩著有戰功以之陞補足資捍禦所遺守備員缺查
該營署守備管千總事楊可能技勇兼優卽以之拔
補充稱駕輕就熟以上各官皆臣慎加遴選務求爲
官擇人將來必能稱職內李英田毓瑞齊亮三員臣
曾具有閩省剿禦需才等事一疏已經題

請俟查閩省員缺補用在案合併聲明除將各弁履歷送

部查核其詹昂履歷容取到另送外臣謹會同督臣

姚 撫臣吳 密疏保

題伏乞

皇上睿鑒勅部議覆施行奉

旨依部議具奏

康熙十八年正月十九日

恭謝天恩疏

奏為恭謝

天恩併報祇領新銜

勅印事康熙十八年正月初九日據泉州安塘筆帖式剛

舒齋捧到

頒發臣昭武將軍坐名

勅書一道康字第一百六十九號銀印一顆併兵部咨文

到臣該臣率領標下將弁迎至臣駐師鳳山營盤恭

設香案望

闕叩頭謝

恩開讀祇受隨於本月十三日開用新印訖竊念臣荷

皇恩寵渥始畀臣以總管水陸之重寄及臣控辭水師允

臣專管陸路茲復加錫昭武將軍之崇秩臣何人斯

上邀

溫綸之屢降恭承

天語之重申似此異數曠世罕逢俾臣感激

恩深圖報志切臣雖年老筋力血氣漸衰不敢自愛踵頂

惟有益竭駑駘以仰答

鴻慈於萬一耳除總管水陸併專管陸路提督

勅印容臣選差專員齎繳外所有領受開用昭武將軍新

銜

勅印日期理合奏

謝再照

勅頒昭武將軍

勅後機密裂口寸餘兼有黑漬合併

奏明伏乞

皇上睿鑒施行奉

臣該部知道餘着察議具奏

康熙十八年正月十九日

飛報剿賊等事疏

題爲飛報剿賊大勝事竊臣等自舊年十月內攻奪江東橋之後將滿漢官兵分派屯劄於柯坑山鳳山萬松關江東橋南北各處相機進取因逆賊依阻大河恃險踞守我兵未便徑進而賊衆與我兵相持日久乏糧時來榴山寨一帶附近鄉村掠食臣等復經會議遣發署海澄城守右營遊擊許完於本年二月初五日帶領該營官兵前往榴山寨扼守以絕逆賊糧道本月十五日辰時據署海澄城守副將林葵防守

江東橋署副將詹六奇報稱探得逆賊見我兵馬絕其掠食要道遂於夜晚偷渡過河潛伏於原踞之玉洲太平果塘各寨至二月十四夜賊首劉國軒吳淑何鑽等復用船四十餘隻將各賊夥親自帶領盡渡過河希圖攻我榴山寨併欲奪江東橋等情臣隨會商平南將軍賴督臣姚副都統雅大里季爾他布胡圖福寧總兵黃大來各挑選精壯兵馬於十五日午時起行至未時末到江東橋北離榴山寨數里地名草鞋嶺寬濶處所將兵馬暫歇令官兵登高瞭望至申時狂風陡起雷雨大作又值天晚難以進兵彼時各官兵俱未攜帶帳房臣等撫慰將士皆冒雨露處站立一夜十六日早天氣畧晴遂傳令官兵造飯食畢見前面下坑山歐溪頭各山上有賊旗十餘桿排列招搖誘敵臣等見賊數無多恐有埋伏公同遣發總兵黃大來鑲黃旗夸藍大愛音布正白旗外委先鋒章京噶而哈兔杭州鑲黃旗外委夸藍大顧光國臣標中軍叅將馬勝飛馬上榴山寨山頂瞭望果見逆賊萬餘俱埋伏於下坑山龜山果塘山上坑

山坂尾山歐溪頭各山之下臣等復會商將滿漢馬兵分爲左右兩翼將臣標及各標營官兵派爲中隊仍分三股進攻派令總兵黃大來帶領鎮標右營遊擊張含高中營千總曹國泰把總崔九經張名左營千總王鳳把總閻福友右營把總沈文桐山營千總于得龍于良才把總陳祿外委領旗守備李化鳳朱文及金吉謝甫黃懋進李士華林正殿蔡趙貴姚昌王路張志高蔡萬何有功張良勇芳雷起蛟外委紅旗守備魯照李吉張洪蔡應芳沈尾朱美黃忠廖進

吳文定沈應召趙成李榮黃一陳有功劉茂陳葵陳俊林鳳隨征都司薛化龍隨征守備楊復是外委隨征守備邵士廷俞海珍楊斌外委隨征千總高牲王國柱蕭應才王成郭傑劉虎柳思寧外委把總管百總事沈太陳燦等官兵一千八百員名督標內中協副將管左營遊擊事薛受益千總沈玉孔天福把總丁希龍官茂羅長柱吳寶江斌劉光玉領旗都司及隨征官馬天福李德劉彪趙邦周馬萬成楊茂春張豹王承恩陳德盛丁德麟王玉王嘉寶羅弘道薛弼

薛受章丘元佐薛永李廷梅王相隆林都章太齊得
勝閔廷標王德隨征武生員薛碧瑄王文高督標外
中協右營中軍守備劉進伏千總石萬金陶國佐把
總林朝馬世良冶昇姜才隨征官王星烈鄭耀張進
孝楊龍林鳳任自興杜金良李友李奇等官兵一千
二百員名從坂尾山歐溪頭右股而進督標內中協
右營遊擊王文魁領旗守備張魁元千總婁奇陳虎
宋豹把總許世忠督陣守備張璽等帶領官兵四百
員名署海澄城守副將林葵左營遊擊卓策千總張
啓鳳丘春把總畢友成饒弘勳右營遊擊許完守備
蘇節千總許玫蔡盛把總林龍柯信林棟石珍外委
都司林春胡麟徵林朝襲外委守備陳祿黃益洪勝
等官兵六百員名防守江東橋署副將詹大奇署左
營遊擊鄭興署守備李必貴千總高天鳳柯雄把總
黃捷戴參方福詹飛虎右營遊擊李棟守備馬永麟
千總詹大偉陳偉把總胡性蔡泗段一鵬林格隨征
守備吳廷銓王子連沈銓等官兵五百員名浙江提
標前營守備張名千總范士孝郭邦威把總王三才

等領旗守備王友德鄭起鳳等帶領馬步兵丁四百員名從上坑山蔡店官埭左股而進臣標中營叅將馬勝右營遊擊李璉署後營遊擊事守備劉國興左營守備金殿龍中營千總魯從禮常應龍前營千總李國柱後營千總馬虎把總何演榮李枝華援剿左營遊擊張念祖右營遊擊楊懋綏守備李魁千總張奉李永科把總李亨連江營千總高祥福清營千總川龍見提標外委總領戎旗遊擊崔陞外委都司高永福張九龍楊撰外委守備宋官趙吉祥張貴王治

國姚金全田虎馬天祿劉才趙元吉楊鈞王安國楊得勝李進御羅成功朱鳳陳亮吳洞張承翼李朝臣督陣紅旗守備王佐苗秀李從望李景龍傅應元路天慶嚴有功劉文昌周復興張應金外委千總王龍盧之望張貴李經何應科施見雲董三亮外委把總莊一虎李貴香王起龍張福宋有仁賈士威李文周岳張明馮奇等帶領馬步兵二千五百員名從下坑山龜山果塘山中股而進臣同平南將軍賴塔督臣姚啓聖副都統雅大里季爾他布胡圖率領滿漢

馬兵分作兩翼壓陣督戰時已近午我兵衝至下坑山歐溪頭各山上彼誘敵之賊俱從山下遯走我兵緊追直衝到山下所有埋伏之賊盡皆列陣迎敵鳥砲火箭一齊施放勢甚猖獗臣等督勵官兵不許退避奮勇攻殺排鎗弓箭如雨逆賊死傷甚多尙抵死不
退臣等復同各旗副都統率領滿漢馬兵親冒砲矢從傍衝擊賊始不支大敗逃走直追至果塘太平玉洲等寨前砲火打死逆魁劉國軒下林前鎮一員劉國軒旗手一名活擒并陣斬逆賊一千有餘得獲盛甲旗幟器械等項甚多不料逆賊於各寨之外預先修築短墻開浚河溝三丈餘濶蓄滿潮水賊赴水逃過河溝被我官兵砲火從後攻打及淹死者不計其數守寨賊衆於隔河施放砲火我兵無所遮蔽且日已平西又隔濠溝難以追擊方收兵回營此一役也從午時與賊對敵殺至申時連衝四陣皆仰仗天威諸臣殫心盡力鼓勵在事官兵無不奮勇直前人人用命始克大敗逆賊擒斬共一千有餘名其所獲盛甲器械等項堪用者留營改用不堪用者盡行焚燬

平陽縣志 卷之二
所有在事有功人員併傷亡官兵員目見在彙造清冊另送兵部外臣謹會同督臣姚 合詞密疏題報伏祈

皇上睿鑒勅部議叙施行奉

旨覽卿奏會同平南將軍賴塔等率領滿漢官兵於下坑山等處地方擊敗逆賊擒斬甚多得獲器械等項具見調度有方將士奮勇可嘉在事有功人員着議叙具奏兵部知道

康熙十八年二月二十二日

剿寇務選等事疏

題爲剿寇務選勁兵以佐臂指之用仰祈

鑒俞

勅部調發期臻實用事案照康熙十七年九月初二日蒙兵部密劄內開該議政王等會覆福建提督楊 題前事等因康熙十七年八月初一日題本月十五日奉

旨議政王貝勒大臣會議具奏欽此該臣等會議得福建提督楊 疏稱臣在山東時頗知河南山東有熟習

交烏鎗者甚多儻得各撥一千名再於江南撥弓箭
砲手一千名并馬匹亦照經制撥發此皆久在營伍
之兵一經調入閩省即可殺賊立功祈令河南山東
江南三省早爲調撥所食錢糧不煩另措卽將臣標
缺額兵丁之糧餉免給調發之兵支領俟地方大定
如調發兵丁內有願留者聽其填入經制其餘悉發
回原營將臣標另行補額則各兵自不苦於徵調等
因查提督楊 旣稱召募閩省土著兵丁不堪應用
請撥河南山東江南綠旗兵丁各一千名馬匹亦照
經制撥發卽可殺賊立功等語均如所題調撥總河
標下兵馬一千山東撫標兵馬一千發往其河南省
旣有放烏鎗兵丁或於各營內抽調或召募會放烏
鎗閑散之人亦足一千發去若召募閑散之人其軍
器等物聽該撫製備發遣近經臣等會議請
旨將河南撫標一千名各營抽調五百名發往岳州
勅下河南巡撫董國興令賢能官員統領發往岳州該撫
該勵此項官兵若至岳州卽以効力軍機克成議叙
等因在案今亦

勅下總河靳輔山東巡撫趙祥星河南巡撫董國興將此
項兵丁委撥賢能官員鼓勵前去福建卽以効力軍
機克成議叙此送去官員將兵丁交明該提督仍各
回原任提督楊 將接管兵馬之處題明到日將該
督撫併送去官員俱交與該部議叙再俟閩省平定
之日前項調去兵丁或願回本省者發回或願留閩
省者卽留閩省其前項調發兵丁缺額卽速募補今
議於總河標下撥兵一千名其請撥發江南兵丁之
處毋容議等因康熙十七年八月十七日題本月十

八日奉

旨依議速行欽此合剗欽遵施行等因蒙此欽遵在案於
康熙十七年十一月初五日准山東撫臣趙祥星咨
開隨將本標馬步兵丁一千名調集除經犒賞外遴
委中軍遊擊李長茂守備祖進明千總劉允新楊子
榮把總王漢輔曹挺生馬名振王祿等統領於九月
初八日起程赴閩行據中軍遊擊李長茂備造兵丁
花名馬匹器械清冊并預支過四個月糧餉數目前
來擬合咨會等因又於康熙十七年十一月二十四

日准總河督臣靳輔咨開選撥中左右城守四營馬步戰守兵丁一千名馬二百匹預支三個月糧餉遴委左營遊擊楊輔鼎中營守備王璜千總張茂盛城守營千總孫應祥中營把總李廷芳左營把總張得勝右營把總郝溢管押兵丁分水陸兩路於九月十二日起行訖擬合咨達等因又於康熙十八年正月十二日准河南撫臣董國興咨開隨檄行各營調鳥鎗兵一千名預支三個月糧餉遴委河北鎮標左營遊擊張應標督同歸德營守備陳廷謨開封城守營千總王琦襄城營千總崔上銀河北鎮標右營把總張大友衛輝營把總張君道磁州營把總吳聯芳河南城守營把總畢昇南汝鎮標右營把總馮成龍汝寧營把總許應宗陳州營把總陳禮統領於九月二十日赴關外再照豫省各營鳥鎗兵丁原無多人今備行抽調揆括已盡內有閩人久在豫省營伍食糧熟習鳥鎗是以一併調發共足一千名之數合併咨明等因各到臣准此該臣隨即咨移督撫檄行府縣預備夫船糧餉接濟併查房安插續於康熙十七年

十二月十九二十日康熙十八年正月初七日據遊擊李長茂楊輔鼎張應標各呈報奉調兵丁俱已抵泉等情時因臣統師赴漳會剿見在鳳山劄營與賊對壘不能親回泉州驗收臣隨捐資差官回泉備辦猪羊酒米先行犒賞官兵共計用銀二百二十六兩七錢而督臣姚撫臣吳共捐銀三千三百兩差官擬在泉州分賞領兵將弁銀三百兩兵丁銀三千兩以示鼓勵臣隨選差右營遊擊李璉署後營遊擊事王昶前營守備陳應隆等前往泉州調取各兵赴漳驗收去後今於二月初九等日據遊擊李璉等同領兵遊擊楊輔鼎等帶領守千把各官前後管押兵馬陸續到漳臣因各省兵初到漳州隨捐銀二百二十兩撥賞領兵將弁又捐銀一千四百九十九兩犒賞百隊兵丁又備猪羊酒米等物用銀三百三十七兩八錢平南將軍賴督臣姚亦經犒賞牛酒等物其相鼓舞隨據遊擊楊輔鼎等呈遞兵馬器械清冊臣躬親察點俱堪充伍但長途遠來兵有逃故馬有倒斃總河督標馬步兵丁一千名實收兵九百七

十名官馬二百匹實收馬一百七十二匹山東撫標
兵一千名實收兵九百二十名官馬二百匹實收馬
一百四十六匹河南省烏鎗兵丁一千名實收兵九
百八十四名內有閩人一百八十二名共收兵二千
八百七十四名官馬三百一十八匹併原帶盔甲器
械俱經按數分發臣標伍營仍檄令中軍叅將馬勝
等遵照閩省經制收伍再查山東撫標兵丁糧餉支
至康熙十七年十二月終止今閩省自應於康熙十
八年正月初一日接支其河標兵馬併豫省兵丁俱
支至十七年十一月終止今閩省自應於康熙十七
年十二月初一日接支亦經行令中軍叅將馬勝入
冊收造當臣初抵閩省之日見本標五營兵丁缺額
甚多於奉調兵丁未到之先有原標從海澄投回各
兵俱驗明精壯收伍以資剿禦今將點收東豫二省
兵丁二千八百七十四名併將現在舊兵補足伍營
經制外尚有溢額兵丁已經咨明督撫分發缺額營
分收伍其各兵糧餉此開彼收按月接支不致重復
臣念東豫兩省領兵將弁長途跋涉已及半載勞苦

平國紀 卷之二
堪憫臣復捐銀五百二十四兩分別賞賚以資回任
盤費業於二月二十四五等日遣發各回原任訖伏
念閩省海逆披猖而兵多土著是以請調山東河南
兵丁來閩以佐臂指荷蒙

皇上俞允今兩省兵丁業已調到臣自應加意鼓勵其奮
滅賊若臣竭力捐資稿賞分所宜然而東撫以及閩
省將軍督撫諸臣皆仰體

皇上恤兵至意俱各捐銀賞賚誠屬急公至於領兵將弁
長途管押著勞尤甚應否一併邀

恩議叙統聽部奪除兵丁花名年貌馬匹毛齒併盛甲器
械分別官製自備另造清冊咨送兵部察覈外合將
收過兵馬數目緣由臣謹密疏題

報伏乞

睿鑒勅部察覆施行奉

旨兵部知道

康熙十八年三月十七日

彙報固守等事疏

題爲彙報固守泉城各官勞績仰祈

宸鑒特賜叙錄以勵將弁事竊自海賊劉國軒吳淑何佐

等開閩海澄之後大肆鳴張殘破屬邑荼毒生靈於

康熙十七年六月二十一日進逼泉州攻圍兩月有

餘凡謀燒橋梁堅壁木柵築立砲臺發掘地洞架梯

扒城放砲攻打奸計百出旣狡且毒幸賴滿漢同心

文武用命獲保全城無恙臣於康熙十七年八月二

十四日克復惠安縣賊人聞風知滿漢官兵齊集遂

連日拔營逃遯因解泉圍迨二十六日臣等攻奪洛陽直進郡城時見盈街填巷老幼士民咸頌

皇恩拯救向臣馬首共訴文武保城之功不可泯沒隨准興化鎮臣劉德懋咨報前來據此該臣查看得海寇狂逞連誅有年自爾海澄之後進圍泉郡恃逆黨之繁多肆克謀之叵測時乘大兵未集晝夜連攻所賴副都統楊鳳翔雅大里與鎮臣劉德懋協同調度而諸將弁又能竭力堵禦出奇剿殺方能保固城池當康熙十七年七月二十八日衆賊合攻七門日夜兩

次扒城官兵誓死抵敵此爲各將弁守泉第一戰功七門之中惟南門之功又居其首賊之大砲攻具盡聚於此業將城墻打塌竟成平地提標王劄總兵馬勝製造釘板木馬督造敵臺木城挑濠拒守又奮不顧身手持排鎗殺賊數十力拒梁口以至身被火藥重傷終使賊人不敢攻入宜乎鎮臣劉德懋與泉州城守署叅將甯維國等咸稱爲保城之鉅功也其餘各門俱有斬殺守禦之功至六月二十二日賊來晝夜奪橋則同安署副將馮昭京羅源營遊擊林寶晉

江營遊擊韓元朗等殺賊護守南門外新橋有功八月初一等日賊又堆青砲臺掘城挖窟則鎮標守備趙邦試等殺賊燒草臺有功他如總城趕殺伏路活擒等功均不可泯應請察叙更有筆帖式剛舒協同文武守城不避艱苦勞績難沒泉州知府張仲舉捐資製造催趨人夫激賞傷亡併廳縣等官協助防禦均著勞績俱應題

請錄叙除另咨督撫臣察明彙

題外所有守城鎮協將弁等官功次備叙塘報情形臣

謹會同督臣姚 合詞密

題伏祈

聖鑒勅部議叙施行

康熙十八年七月十一日